

三
國
志

中書門下

牒

蜀志

牒奉

勅書契已來簡編咸備每詳觀於淑慝實
昭示於勸懲矧三國肇分一時所紀史筆
頗彰於遺直策書用著於不刊諒載籍之
前言助人文之至化年祀綿遠譌謬居多
爰命學徒俾其校正宜從模印式廣頒行

牒至准

勅故牒

平六年十月二十二日

咸平六年十月二十三日

左諫議大夫參知政事王
工部侍郎參知政事王
兵部侍郎同中書門下平章事
門下侍郎同中書門下平章事
左僕射同中書門下平章事

中書門下

新

三國志目錄中

晉平陽侯相陳

壽

撰

蜀書

卷第一

劉二牧

劉焉 子瑯

卷第二

先主

備

卷第三

後主

禪

卷第四

二主妃子

先主甘皇后

先主穆皇后

後主敬哀張皇后

後主張皇后

劉永

劉理

後主太子璿

卷第五

諸葛亮

子瞻

董厥

樊建

卷第六

關羽

張飛

馬超

黃忠

趙雲

卷第七

龐統

法正

卷第八

許靖

麋竺

孫乾

簡雍

伊籍

秦宓

音密

卷第九

董和

劉巴

馬良

良弟謖

陳震

董允

陳祗黃皓

呂乂

卷第十

劉封

彭義

廖立

李嚴

劉琰

魏延

楊儀

卷第十一

霍峻

王連

向朗

兄子寵

張裔

楊洪

費詩

卷第十二

杜微

周羣

張裕

杜瓊

許慈

孟光

來敏

尹默

李譔

譙周

邵正

卷第十三

黃權

李恢

呂凱

馬忠

王平

張嶷

卷第十四

蔣琬

子斌

斌弟顯

劉敏

費禕

姜維

卷第十五

鄧芝

張翼

宗預

廖化

楊戲

王嗣
衛繼

常璩

三國志目錄中

劉二牧傳第一

蜀書

國志三十一

劉焉傳

子璋

劉焉字君郎江夏竟陵人也漢魯恭王之後裔章
帝元和中徙封竟陵支庶家焉焉少仕州郡以宗
室拜中郎後以師祝公喪去官

臣松之案祝公
司徒祝恬也

居陽

城山積學教授舉賢良方正辟司徒府歷雒陽令
冀州刺史南陽太守宗正太常焉觀靈帝政治衰
缺王室多故乃建議言刺史太守貨賂爲官割剥
百姓以致離叛可選清名重臣以爲牧伯鎮安方
夏焉內求交趾牧欲避世難議未即行侍中廣漢

董扶私謂焉曰京師將亂益州分野有天子氣焉

聞扶言意更在益州會益州刺史郤儉賦斂煩擾

謠言遠聞儉郤正祖也而并州殺刺史張壹涼州殺刺

史耿鄙焉謀得施出爲監軍使者領益州牧封陽

城侯當收儉治罪續漢書曰是時用劉虞爲幽州劉焉爲益州劉表爲荊州賈琮爲冀州虞

等皆海內清名之士或從列卿尚書以選爲牧伯各以本秩居任舊典傳軍參駕施赤爲帷裳臣松之案靈帝崩後義

軍起孫堅殺荊州刺史王叡然後劉表爲荊州不與焉同時也漢靈帝紀曰帝引見焉宣示方畧加以賞賜勅焉爲益州

刺史前刺史劉儁郤儉皆貪殘放監取受狼籍元元無聊呼嗟充野焉到便收攝行法以示萬姓勿令漏露使羸疽决潰

爲國生梗焉受命而行以扶亦求爲蜀郡西部屬國都

尉及太倉令會巴西趙韙棄官俱隨焉陳壽益州耆舊傳曰

董扶字茂安少從師學兼通數經善歐陽尚書又事聘士楊厚究極圖讖遂至京師游覽太學還家講授弟子自遠而至永康元年日有蝕之詔舉賢良方正之士策問得失左馮翊趙謙等舉扶扶以病不詣適於長安上封事遂稱疾篤歸家前後宰府十辟公車三徵再舉賢良方正博士有道皆不就名稱尤重大將軍何進表薦扶曰資游夏之德述孔氏之風內懷焦董消復之術方今并涼騷擾西戎蠢叛宜勅公車特召待以異禮諮謀奇策於是靈帝徵扶即拜侍中在朝稱為儒宗其見器重求為蜀郡屬國都尉扶出一歲而靈帝崩天下大亂後去官年八十二卒于家始扶發辭抗論益部少雙故號曰致止言人莫能當所至而談止也後丞相諸葛亮問秦宓以扶所長宓曰董扶衰秋毫之善貶纖芥之惡是

時涼州逆賊馬相趙祗等於緜竹縣自號黃巾合聚疲役之民二日中得數千人先殺緜竹令李升吏民翕習合萬餘人便前破雒縣攻益州殺儉又到蜀郡健為旬月之間破壞三郡相自稱天子

衆以萬數州從事賈龍素領兵數百人在犍爲東
界攝歛吏民得千餘人攻相等數日破走州界清
靜龍乃選吏卒迎焉焉徙治縣竹撫納離叛務行
寬惠陰圖異計張魯母始以鬼道又有少容常往
來焉家故焉遣魯爲督義司馬在漢中斷絕谷閣
殺害漢使焉上書言米賊斷道不得復通又託他
事殺州中豪強王咸李權等十餘人以立威刑

益部

皆舊雜記曰李權字伯豫爲臨邛長子福見犍爲楊戲輔臣贊

犍爲太守任岐及賈龍

由此反攻焉焉擊殺岐龍

英雄記曰劉焉起兵不與天下討董卓保州自牛犍

爲太守任岐自稱將軍與從事陳超舉兵擊焉焉擊破之董卓使司徒趙謙將兵向州說校尉賈龍使引兵還擊焉焉出

青羌與戰故能破殺
岐龍等皆蜀郡人

焉意漸盛造作乘輿車具千餘

乘荊州牧劉表表上焉有似子夏在西河疑聖人
之論時焉子範為左中郎將誕治書御史璋為奉

車都尉皆從獻帝在長安

庚雄記曰範聞父焉為益
州牧董卓所徵發皆不至

收範兄弟三人鑠械於
郿塢為陰獄以繫之

惟小子別部司馬瑁素隨焉

獻帝使璋曉喻焉焉留璋不遣

典略曰時璋為奉車
都尉在京師焉託疾

召璋璋自表省焉
焉遂留璋不還

時征西將軍馬騰屯郿而反焉及

範與騰通謀引兵襲長安範謀泄奔槐里騰敗退

還涼州範應時見殺於是收誕行刑

英雄記曰範從
長安亡之馬騰

營從焉求兵焉使校尉孫
肇將兵往助之敗於長安議郎河南龐羲與焉通家乃

募將焉諸孫入蜀時焉被天火燒城車具蕩盡延
及民家焉徙治成都既痛其子又感祆災興平元
年癰疽發背而卒州大吏趙韙等貪璋溫仁兵上
璋為益州刺史詔書因以為監軍使者領益州牧
以韙為征東中郎將率眾擊劉表

英雄記曰焉為子
璋代為刺史會長

安拜潁川扈瑁為刺史入漢中荆州別駕劉闔璋將沈彌婁
發甘寧反擊璋不勝走入荆州璋使趙韙進攻荆州屯朐肥

上蠱下
如振反

璋字季玉既襲焉位而張魯稍驕恣不承順璋璋
殺魯母及弟遂為讎敵璋累遣龐羲等攻魯所破
魯部曲多在巴西故以羲為巴西太守領兵禦魯

英雄記曰龐義與璋有舊又免璋諸子於難故璋厚德義以義為巴西太守遂專權勢後義與璋情

好攜隙趙韙稱兵內向眾散見殺皆由璋明斷少

而外言入故也英雄記曰先是南陽三輔人流入益州數萬家收以為兵名曰東州兵璋性寬柔無

威略東州人侵暴舊民璋不能禁政令多闕益州頗怨趙韙素得人心璋委任之韙因民怨謀叛乃厚賂荊州請和陰結

州中大姓與俱起兵還擊璋蜀郡廣漢犍為皆應韙璋馳入成都城守東州人畏威咸同心并力助璋皆殊死戰遂破反

者進攻韙於江州韙將龐樂李異反殺韙軍斬韙漢獻帝春秋曰漢朝聞益州亂遣五官中郎將牛夏為益州刺史徵

璋為卿璋聞曹公征荊州已定漢中遣河內陰溥致

不至敬於曹公加璋振威將軍兄瑁平寇將軍瑁狂疾

物故臣松之案魏臺訪物故之義高堂隆荅曰聞之先師物無也故事也言無復所能於事也璋復

遣別駕從事蜀郡張肅送叟兵三百人并雜御物於

曹公曹公拜肅爲廣漢太守璋復遣別駕張松詣曹
公曹公時已定荊州走先主不復存錄松松以此
然會曹公軍不利於赤壁兼以疫死松還疵毀曹
公勸璋自絕漢晉書曰張松見曹公曹公方自矜伐不
存錄松歸乃勸璋自絕習鑿齒曰昔齊
桓一矜其功而叛者九國曹操暫自驕伐而天下三分皆勤
之於數十年之內而棄之於俯仰之頃豈不惜乎是以君子
勞謙曰仄應以下人功高而居之以讓勢尊而守之以卑情
近於物故雖貴而人不厭其重德洽羣生故業廣而天下愈
欣其慶夫然故能有以富貴保其功業隆顯當時傳福百世
何驕矜之有哉君子是以知曹操之不能遂兼天下者也

因說璋曰劉豫州使君之肺腑可與交通璋皆然
之遣法正連好先主尋又令正及孟達送兵數千
助先主守禦正遂還後松復說璋曰今州中諸將